

ՀԱՇՎԵՏՎՈՒԹՅՈՒՆ

Սաուդյան Արաբիայի Թագավորություն (Ռիյադ) գործուղման արդյունքների մասին

1. Անունը, ազգանունը.

Նարեկ Մկրտչյան

2. Ձբաղեցրած պաշտոնը.

ՀՀ աշխատանքի և սոցիալական հարցերի նախարար

3. Գործուղման վայրը և ժամկետները.

Սաուդյան Արաբիայի Թագավորություն (Ռիյադ), 2025 թվականի հունվարի 28-ից 30-ը

4. Հրավիրող կողմը.

Սաուդյան Արաբիայի Թագավորության մարդկային ռեսուրսների և սոցիալական զարգացման նախարար Ահմադ բին Սուլեյման Ալ-Ռաջի

5. Գործուղման նպատակը.

Մասնակցություն աշխատաշուկայի երկրորդ գլոբալ համաժողովին

6. Քննարկված թեմաները.

Համաժողովի ընթացքում քննարկումները հիմնականում ծավալվում էին այսօրվա աշխատաշուկայի հրատապ խնդիրների, զբաղվածության վրա կլիմայի փոփոխության ազդեցության, աշխատաշուկայի մարտահրավերների, ժողովրդագրության փոփոխության, զբաղվածության և գործազրկության, ինչպես նաև համաշխարհային աշխատաշուկայի վրա արհեստական բանականության ազդեցության շուրջ:

7. Հանդիպումները, ելույթները, բարձրացված կամ քննարկված հարցերը.

- Աշխատաշուկայի երկրորդ գլոբալ համաժողովին մասնակցության շրջանակներում մասնակցել եմ «Նորարարական լուծումներ՝ տարբեր երկրների աշխատաշուկաներում երիտասարդների զբաղվածությունն ամրապնդելու նպատակով» թեմայով նախարարական կլոր սեղանին. քննարկմանը մասնակցում էին աշխատանքի ոլորտը համակարգող 40 նախարար:
Իմ խոսքում անդրադարձել եմ ՀՀ զբաղվածության ոլորտում սահմանված առաջնահերթություններին և այս ուղղությամբ իրականացվող աշխատանքներին: Այս համատեքստում ընդգծել եմ ՀՀ զբաղվածության 2025-2031 թթ. ռազմավարության մշակման կարևորությունը: Նշել եմ նաև, որ փաստաթղթի մշակմանը զուգահեռ, իրականացվում են մասնագիտական ուսուցման,

աշխատանքային փորձի ձեռքբերման և աշխատանքի տեղավորման աջակցության ծրագրեր, որոնք ուղղված են նպաստելու «կրթություն-աշխատաշուկա» արդյունավետ փոխանակմանը, որակյալ աշխատուժի ձևավորմանը և աշխատաշուկայում մրցունակության բարձրացմանը: Վերջիններս նաև միտված են աջակցելու առաջին անգամ աշխատաշուկա մուտք գործող անձանց՝ օգնելով նրանց ծանոթանալ աշխատաշուկայի միտումներին և հեշտացնելով աշխատանքի ձեռքբերման գործընթացը:

Իրականացվող բարեփոխումների հիմքում ընդգծել են նաև սոցիալական արդարության գաղափարի կարևորությունը և նշել, որ վերջին տարիներին Հայաստանը միացել է Սոցիալական արդարության համաաշխարհային կոալիցիային, և շարունակում է ակտիվ ու արդյունավետ համագործակցել սահմանված նպատակների իրականացման ուղղությամբ:

Քննարկման ընթացքում ընդգծել են նաև աշխատանքային հարաբերությունների ճկուն մեխանիզմների ներդնման և «աշխատանք-կյանք» հավասարակշռության ապահովման կարևորությունը՝ մանրամասնելով հեռավար աշխատանքի կարգավորումների, աշխատանքային ժամերի կրճատման և նախատեսվող այլ աշխատանքների մասին:

- Մասնակցել են «Կառավարությունների դերը՝ աշխատաշուկայի կարճաժամկետ և երկարաժամկետ մարտահրավերների հավասարակշռման գործում երկարաժամկետ հեռանկարով» թեմայով նախարարական պանելային քննարկմանը, որի ընթացքում քննարկվեցին աշխատաշուկայում առկա մարտահրավերների, երիտասարդների զբաղվածության ապահովման, աշխատուժի ավելցուկի և դրա պակասի կառավարման վերաբերյալ մի շարք հարցեր:

Իմ խոսքում անդրադարձել են ՀՀ աշխատանքի և զբաղվածության ոլորտում առկա մարտահրավերներին ու դրանց հաղթահարման ուղղությամբ նախատեսվող միջոցառումներին: Այս համատեքստում ընդգծել են ՀՀ զբաղվածության 2025-2031 թթ. և ՀՀ ժողովրդագրության 2024-2040 թթ. ռազմավարությունների մշակման կարևորությունը: Նշել են, որ ոլորտային այս կարևոր փաստաթղթերը համահունչ են ՀՀ կառավարության տեսլականին, այն է՝ խթանել տնտեսական աճը, նպաստել սոցիալական ներառմանն ու աղքատության մակարդակի նվազեցմանը և այլն:

Աշխատանքի և զբաղվածության ոլորտում առկա մարտահրավերների հաղթահարման գործում շեշտել են նաև ՀՀ ժողովրդագրական իրավիճակի բարելավման 2024-2040 թթ. ռազմավարության դերը: Այս համատեքստում ներկայացրել են ակտիվ, առողջ և արժանապատիվ ծերության պայմանների ապահովմանն ուղղված միջոցառումների շրջանակը, որն ուղղված է պետության սոցիալ-տնտեսական կյանքում ավագ սերնդի ներկայացուցիչների ներգրավվածության ապահովմանն ու նրանց ներուժի լիարժեք օգտագործմանը:

Աշխատաշուկայի երկրորդ գլոբալ համաժողովին մասնակցության շրջանակում հանդիպումներ են ունեցել.

- The Hevolution հիմնադրամի գործադիր տնօրեն դոկտոր Մեհմուդ Խանի հետ, որի ընթացքում քննարկել ենք ժողովրդագրության հետ կապված հարցերը, ինչպես նաև ԵՊՀ նորաստեղծ ժողովրդագրական հետազոտությունների կենտրոնի կարողությունների զարգացման և հետազոտական ծրագրերին աջակցման հնարավորությունները:

The Hevolution հիմնադրամի տարեկան բյուջեն հասնում է մինչև 1 միլիարդ դոլար և նպատակ ունի խթանել առողջ ծերացման գիտությունը՝ ֆինանսավորելով առողջ ծերացման հետազոտություններն ու նորարարական նախագծերը՝ նպաստելով առողջ կյանքի տարիների ավելացմանը:

- Տնտեսագիտության բնագավառում 2024 թվականի Նոբելյան մրցանակակիր Ջեյմս Ռոբինսոնի հետ: Վերջինս Նոբելյան մրցանակը կիսում է աշխարհահռչակ հայազգի գիտնական Դարոն Աճեմօղլուի և հետազոտող Սայմոն Ջոնսոնի հետ. Աճեմօղլուն ու Ռոբինսոնը «Ինչո՞ւ են ձախողվում պետությունները» (Why nations fail) համաշխարհային ճանաչում ունեցող գրքի հեղինակներն են:

Հանդիպման ընթացքում Ջեյմս Ռոբինսոնն անդրադարձավ մարդկային կապիտալի զարգացման, բարձր արտադրողականությամբ աշխատատեղերի աճի և աշխատուժի առաջարկի վերաբերյալ մի շարք հարցերի:

Հանդիպման ավարտին Ջեյմս Ռոբինսոնը հետաքրքրություն արտահայտեց Հայաստան այցելելու վերաբերյալ:

- Զրույց են ունեցել Աշխատանքի միջազգային կազմակերպության գլխավոր տնօրեն Գիլբերտ Հունգբոյի հետ:

Քննարկել ենք աշխատանքի և զբաղվածության ոլորտում համագործակցության ընթացքին ու նախատեսվող ծրագրերին առնչվող մի շարք հարցեր:

- Արաբական ծոցի զարգացման հիմնադրամի (AGFUND) գործադիր տնօրեն, դոկտոր Նասեր Ալ Քահթանիի հետ հանդիպման ընթացքում քննարկել ենք հիմնադրամի մասնակցությամբ Հայաստանում սոցիալական զարգացմանն ուղղված տնտեսական, ֆինանսական, կրթական, գյուղատնտեսական և տեխնոլոգիական նախաձեռնությունների իրականացմանն ուղղությամբ հնարավոր համագործակցության հնարավորությունները:

- Արաբական Ծոցի զարգացման հիմնադրամի տնօրենների խորհրդի նախագահ, արքայազն Աբդուլ Ազիզ բին Թալալի հետ հանդիպման ընթացքում քննարկել ենք երկկողմ համագործակցության ամրապնդմանն առնչվող ռազմավարական առաջնահերթությունները: Հանդիպման ընթացքում անդրադարձ արվեց նաև 2024 թ. նոյեմբերին Հայաստանում կայացած «Ճանապարհ դեպի սոցիալական արդարություն. արժանապատիվ աշխատանք» համաժողովին, որի շրջանակում արքայազն Աբդուլ Ազիզն այցելել էր Հայաստան և հանդիպել երկրի ղեկավարության հետ՝ փոխադարձ համագործակցության ոլորտները բացահայտելու նպատակով:


Արքայազն Աբդուլազիզը հայտնեց, որ իր հիմնադրամի հոգաբարձուների խորհուրդը հաստատել է Հայաստանում ՄԱԿ-ի բնակչության հիմնադրամի և ՀՀ աշխատանքի և սոցիալական հարցերի նախարարության միջոցով Կանանց տնտեսական զորեղացման ծրագրերի ֆինանսական աջակցության որոշումը: Նախաձեռնության նպատակն է խթանել կանանց տնտեսական մասնակցությունը և հզորացումը՝ առաջ մղելու գենդերային հավասարությունը և ներառական զարգացումը: Նախաձեռնության շրջանակում գյուղաբնակ կանանց, բռնի տեղահանվածների, հաշմանդամություն ունեցող անձանց և այլ թիրախային խմբերի համար իրականացվելու են կրթական, կարողությունների զարգացման, դեպի աշխատաշուկա ուղղորդման և այլ ծրագրեր:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.

- The Hevolution հիմնադրամի գործադիր տնօրեն դոկտոր Մեհմուդ Խանի հետ հանդիպման ընթացքում պայմանավորվածություն է ձեռք բերվել համագործակցել Հայաստանի Ժողովրդագրական իրավիճակի բարելավման 2024-2040 թթ. ռազմավարության իրականացման ուղղությամբ՝ հատկապես կենտրոնանալով ակտիվ ծերության խթանման և վաղաժամ մահացության կանխարգելման վրա:
- Աշխատանքի միջազգային կազմակերպության գլխավոր տնօրեն Գիլբերտ Հունգրոյի հետ հանդիպման ավարտին պայմանավորվածություն է ձեռք բերվել առաջիկայում անդրադառնալ Սոցիալական արդարության երրորդ համաժողովի կազմակերպմանն առնչվող հարցերին:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.

2/4/2025

X 

ՆԱՐԵԿ ՄԿՐՏՉՅԱՆ

Ստորագրությունը,

Signed by: MKRTCHYAN NAREK 3014890804

ամսաթիվը:

Հավելված N 2
ՀՀ վարչապետի
N 326-Ն որոշման

«Հավելված N 3
ՀՀ վարչապետի 2018 թ.
սեպտեմբերի 19-ի N 1230-Ն
որոշման

Հ Ա Շ Վ Ե Տ Վ ՈՒ Թ Յ ՈՒ Ն ԳՈՐԾՈՒՂՄԱՆ ԾԱԽՍԵՐԻ ՎԵՐՋՆԱՀԱՇՎԱՐԿԻ ՄԱՍԻՆ

1. Մարմնի անվանումը ՀՀ աշխատանքի և սոցիալական հարցերի նախարարություն
2. Գործուղման մասին իրավական ակտի համարը ՀՀ վարչապետի 14.01.2025 թ. N 29-Ա որոշում
3. Անունը, ազգանունը, զբաղեցրած պաշտոնը (մասնագիտությունը)
(թվարկել՝ պատվիրակություն գործուղելու դեպքում)
ՀՀ աշխատանքի և սոցիալական հարցերի նախարար Նարեկ Մկրտչյան
4. Գործուղման վայրը Սառույթյան Արաբիայի Թագավորություն (Ռիյադ)
5. Գործուղման ժամկետները 28.01.2025թ.-30.01.2025թ.
6. Գործուղման ծախսերի ֆինանսավորման աղբյուրը՝
 - 1) իրավիրող կողմի միջոցների հաշվին հատուցվող ծախսերը՝
(թվարկել՝ ճանապարհածախս, գիշերավարձ, օրապահիկ և այլն)
ճանապարհածախս, գիշերավարձ
 - 2) պետական բյուջեի միջոցների հաշվին հատուցվող ծախսերը
(ՀՀ կառավարության 2005 թվականի դեկտեմբերի 29-ի N 2335-Ն որոշմանը համապատասխան)
(ընդգծել ծախսերի փոխհատուցման տարբերակը)
 - ա. փաստացի կատարված ծախսերը հիմնավորող փաստաթղթերի հիման վրա՝ դրանցով սահմանված չափով, բայց ոչ ավելի, քան ցանկով նախատեսված չափերը
 - բ. գործուղման անհատական իրավական ակտով տվյալ գործուղման փաստացի կատարված ծախսերի հատուցման պահանջի համաձայն

Ծախսի տեսակը		Անուն, ազգանուն	Ընդամենը (հազ. դրամ)
Ճանապարհաձախ	Ավիաճառայության տեսակը (էկոնոմ դաս, բիզնես դաս)	-	-
	Ավիատոմսի արժեքը (դրամ)	-	-
Գիշերավարձի հաշվարկ	Վճարը 1 օրվա համար (արտարժույթով)	-	-
	Վճարը 1 օրվա համար (դրամ)	-	-
	Օրերի քանակը	-	-
	Ընդամենը (դրամ)	-	-
Օրապահիկ	Վճարը 1 օրվա համար (արտարժույթով)	-	-
	Վճարը 1 օրվա համար (դրամ)	-	-
	Օրերի քանակը	-	-
	Ընդամենը (դրամ)	-	-
Այլ ծախսեր	Հակահամաճարակային Նմուշառումների վճար	-	-
	Մուտքի արտոնագրի վճար	-	-
	Այլ ծախսեր (նկարագրել)	-	-
Ընդամենը ծախսեր (հազ. դրամ)			

Գլխավոր ֆինանսիստի ստորագրությունը, ամսաթիվը

2/4/2025

X 

ՄՈՒՐԱԴՅԱՆ ՍԱՄԿԵԼ

ԳԼԽԱՎՈՐ ՖԻՆԱՆՍԻՍՏ

Ս. ՄՈՒՐԱԴՅԱՆ